



## REGULAMENTO DE COMPETICIÓNS DA FEGATRI TEMPADA 2016

1. A Federación Galega de Triatlón e Péntatlon Moderno (FEGATRI) promoverá como entidade organizadora, na tempada 2016, os seguintes campionatos:

- Campionato Galego de
  - Triatlón de Estrada
  - Dúatlon de Estrada
  - Triatlón de Estrada Estándar
  - Dúatlon Cros
  - Ácuatlon
  - Triatlón Cros
  - Triatlón de Longa distancia
  - Triatlón de Media distancia
  - Triatlón de Menores (VIII).
  - Cuádratlon
  - Dúatlon de Equipos
  - Triatlón de Equipos
  - Péntatlon Moderno
  - Biatlon
  - Dúatlon Escolar
  - Paratriatlón
  - Paradúatlon
  - Triatlón de Inverno

- XXVI edición dos Circuitos Galegos de Dúatlon e Triatlón de estrada
- Circuito de Dúatlon Cros
- II Circuito "No Draft"
- Circuito Nada e Corre

2.- O Campión Galego e a Campioa galega, de calquera modalidade, terán que estar en posesión de licenza galega de tempada e ter nacido en Galicia ou estar empadroados nun concello galego con antigüidade mínima de xaneiro da tempada anterior.

\*O documento do padrón debe estar na Federación antes do remate da inscrición.

### 3.- Campionatos Galegos de Dúatlon e Triatlón de Estrada

3.1.- O Campionato Absoluto, Sub23, Junior, Veterano I, II e III e de Clubs.- disputarase nunha proba única, cunha carreira masculina e outra feminina, totalmente independentes. *Con menos de 25 mulleres.- Poderá facerse a excepción e permitir disputar as competicións con dúas saídas, masculina e feminina separadas.*

- a) Aplicarase a norma de corredor dobrado, corredor eliminado ou tempo de corte.

3.2-O Campionato Galego Cadete disputarase a unha soa proba, que se realizará conxuntamente co Campionato Galego de Categorías menores (Triatlón de Menores e Dúatlon Escolar).

3.3- Os podios destes Campionatos Galegos, que queden incompletos, completaranse engadindo a clasificación do circuíto de cada unha das modalidades.

3.4- A clasificación de clubs farase no Campionato Galego para aqueles que teñan 3 deportistas. O resto a partir de aquí engadiranse por orde de clasificación no circuíto.

### 3.5.-Trofeos e Premios

- a) Os premios económicos do Cpto Galego Absoluto de Dúatlon e Triatlón para o 2016 serán os seguintes:

	<u>Triatlón</u>	<u>Dúatlon</u>
1ºMsc/ Fem	500 €	500 €
2º Msc/Fem	250 €	250 €
3º Msc/Fem	150 €	150€
1º Club Msc/Fem	600 €	600 €
2º Club Msc/Fem	300 €	300 €
3º Club Msc/Fem	200 €	200 €

- b) Os premios económicos do Campionato Galego, entregaranse unha vez rematadas as probas, no lugar que a Federación Galega determine previamente.
- c) Para ter dereito a premio e trofeo de Campión/a Galego/a o/a deportista debe de estar presente na convocatoria de entrega que faga a Federación, agás xustificación pertinente.
- d) Ningún deportista cunha sanción aplicada, polo Comité de Disciplina da FEGATRI, na tempada anterior, terá acceso a premios.
- e) As clasificacións faranse para as categorías masculina e feminina: Cadete, Junior, Sub-23, Absolutos e Veteranos (I, II e III)

## 4.- Clasificación para os Campionatos Galegos de Dúatlon e Triatlón de Estrada.

Para clasificarse para os Cptos.Galegos será necesario gañar a praza nalgunha das probas do circuíto do seguinte xeito:

### 4.1) Clasificación para o Campionato Galego Masculino.-

- a) O número de deportistas que se clasifica para cada final comunicarase con antelación suficiente, cando se anuncien as probas do circuíto. *(A Comisión Delegada, en función das probas definitivas, poderá modificar proporcionalmente ao número de clasificados comunicándoo previamente. Aqueles deportistas xa clasificados non quitarán postos, é dicir, en cada proba clasifican novos deportistas*
- b) Só se clasificarán para o Campionato Galego os participantes na carreira 2ª Rápida”

4.2) Clasificación para o Campionato Galego Feminino.-é imprescindible rematar, como mínimo, unha proba de circuíto.

## 5.- Invitacións para o Cpto Galego

As invitacións non alterarán a participación dos equipos. É dicir, se o equipo non tivera tres clasificados ou clasificadas, previamente á final, non lle puntuará ningún invitado ou invitada. No caso de ter previamente 3 clasificados puntuarían coma un ou unha máis.

- 5.1) As invitacións só serán para deportistas con licenza galega pertencentes a Clubs que tivesen participación na tempada anterior.
- 5.2) Distribución
  - a) Os tres primeiros clubs masculinos do Cto. Galego da tempada anterior disporán de 3 invitacións masculinas e os tres primeiros femininos disporán de 3 femininas.
  - b) Do 4º ao 6º disporán de 2 e 2
  - b) O resto disporán de 1 e 1 .
  - c) A Dirección Técnica da FEGATRI disporá de 3 e 3 invitacións, que poderá dar ou non, avaliadas as solicitudes presentadas. As solicitudes deben ser motivadas e presentadas á Federación ao remate dos circuitos.

## 6.- Circuitos Galegos de Dúatlon e Tríatlon de Estrada. Clasificatorios para o Campionato Galego

- 6.1) Os circuitos Galegos de Dúatlon e Tríatlon de Estrada constarán de entre 3 e 5 probas.
- 6.2) Para participar nas probas dos Circuitos de Dúatlon e Tríatlon é necesario estar en posesión da licenza federativa da tempada vixente. Os xuíces pedirán antes do inicio da proba a licenza(e/ou en caso necesario o DNI) a cada participante previamente á entrada na "área de transición").
- 6.3) Dereitos de Inscripción nos circuitos de Dúatlon e Tríatlon de Estrada:
  - A inscrición para participar nunha ou en todas as probas de circuito, será de 300€ para clubs e de 100€ para independentes. Estes dereitos aboaranse á federación coa tramitación das licencias de Club ou independente.
- 6.4) Inscripción en cada proba de circuito:
  - a) As probas de circuito poderán custar a cada participante entre 0€ e 30€ , segundo o decida cada organizador.
  - b) Os Cadetes e menores non pagarán inscricións en ningunha proba. No caso de inscribirse e non asistir o club pagará a penalización correspondente: 5 euros por non presentado. Sendo reembolsado este importe ao organizador por parte da FEGATRI que o facturará aos clubs.
  - c) Para facilitar a participación esporádica de deportistas doutras comunidades crease un sistema de invitacións. Neste caso nunca se concederá para o total de probas que puntúan nun circuito e no caso de límites de prazas terán preferencia sempre os federados galegos
- 6.5) As probas destes circuitos serán clasificatorias para o Campionato Galego da modalidade.
  - a) Na proba masculina haberá sempre dúas carreiras masculinas (1ª e 2ª) e unha feminina.
    - I) A 2ª Carreira masculina "Rápida" terá sempre tempo límite para a súa realización. Isto faise co fin de que non haxa dúas carreiras lentas. Estará aberta a todo deportista que o considere pero tendo en conta que deberá de entrar no tempo límite marcado previamente. Este tempo de corte estará publicado polo delegado técnico co regulamento da proba. Eliminaranse aos corredores no sector ciclista se superan este tempo
    - II) A Carreira Feminina deberá coincidir coa carreira 2ª "rápida" a ser posible

#### 6.6) Clasificacións en cada proba.

- a) Clasificación Individual masculina e feminina para categoría Absoluta (xeral) e para as categorías Cadete, Junior, Sub-23 e Veteranos I, II e III.
- b) A clasificación masculina será única. Colocando primeiro os da carreira (2ª) “rápida” e a continuación, por orde, os participantes segundo a clasificación da proba 1ª. Só se clasificarán para o Cpto. Galego destas modalidades, os participantes da carreira 2ª “rápida”.
- c) Clasificación por clubs, masculina e feminina. Para puntuar como club é necesario ter ficha por ese club. Realízase sobre a clasificación final individual. *(Segundo a normativa de licencias non se pode cambiar de club durante a tempada)*
  - I) En cada proba de circuito sumaranse os tempos dos tres mellores deportistas de cada club na clasificación masculina, e das tres na feminina. Vencerá o que menos tempo sume. No caso da masculina terase en conta a clasificación final coas dúas probas (1ª e 2ª)
  - II) En caso de empate a tempos, vencerá o club que clasificara primeiro ao seu mellor deportista.

#### 6.7) Clasificación xeral dos circuitos.-

Para puntuar nos circuitos non é necesario rematar un número mínimo de probas. A Comisión Delegada comunicará antes do inicio de cada circuito cantas probas puntuán. De suspenderse algunha proba das previstas inicialmente, tomará as decisións oportunas conforme ao artigo seguinte.

##### a) Clasificacións **individuais** do circuito:

- I) O número de postos a ter en conta vira determinado polo número de probas que finalmente conformen o circuito.

Táboa A

<b>Nº PROBAS</b>	<b>SUMARANSE DOS MELLORES POSTOS</b>
<b><u>3</u></b>	<b><u>2</u></b>
<b><u>4</u></b>	<b><u>2</u></b>
<b><u>5</u></b>	<b><u>3</u></b>

- II) Si se suspenderse unha proba do circuito, a Xunta Directiva intentará substituíla por unha nova, na mesma data, de contar co tempo necesario.
- III) Sumaranse os mellores postos de cada deportista segundo a táboa A e vencerá quen menos puntos sume. En cada proba na que non se participe ou non se remate consideraranse 300pts.

Táboa B:

<b>DEPORTIS</b>	<b>Proba</b>	<b>Proba</b>	<b>Proba</b>	<b>Proba</b>	<b>Proba</b>	<b>*Punto</b>
A	1º	2º	1º	3º	3º	4pt
B	2º	3º		4º		9pt
C	1º	*(300p		3º		304pt
D	1º	*(300p	*(300p			601pt

*Exemplo para circuito composto por 5 probas*

- IV) En caso de empate, vencerá o que máis primeiros postos acade.
- V) De seguir o empate vencerá o que mellor posto acade na última proba.

b) Clasificacións de **clubs** do circuíto:

- I) Na clasificación final de Circuíto, sumaranse os “x” mellores postos.
- II) En caso de empate seguiranse os mesmos criterios da clasificación individual.

\*\*\*A Clasificación de Clubs para o Campionato Galego de Dúatlon e Tríatlon de Estrada será a resultante do Cpto Galego Absoluta. Para puntuar nesta proba os clubs deben rematar a proba cun mínimo de tres deportistas. A partir desta clasificación engadiranse os clubs clasificados segundo os apartados anteriores.

6.8) Trofeos e premios:

- a) En cada proba de circuíto entregaranse como mínimo tres trofeos ou medallas a cada categoría masculina e feminina: Absoluta, Cadete, Junior, sub23 e Veterano I, II, III así coma aos tres primeiros clubs masculino e feminino da clasificación xeral.

En cada categoría deberá haber polo menos cinco participantes para que sexa obrigatorio dar premios.

- b) Premios económicos- En todas as probas de circuíto se darán como mínimo os seguintes:

Individuais

- 1º e 1ª → 150€
- 2º e 2ª → 100€
- 3º e 3ª → 50€

Clubs:

200€ ao 1º Masculino e ao 1º Feminino

- c) Ningún deportista cunha sanción aplicada, polo Comité de Disciplina da FEGATRI, na tempada vixente, terá acceso a calquera premio.

## 7) Outros Campionatos Galegos, Circuítos e probas autorizadas pola FEGATRI

- 7.1) Campionato Galego Individual e Circuíto de Dúatlon Cros, permítese participar a deportistas con seguro de un día. En ningún caso optarán ao título do Campionato Galego pero si poden acceder ao premio de cada proba. A Clasificación masculina e feminina, farase para as categorías Absoluta, Junior e Veterana (Normativa Específica)
- 7.2) Campionato Galego Individual de Ácuatlon.- A clasificación farase para as categorías Absoluta, Junior, Cadete e Veterana. Non haberá categoría Sub-23. Permítese participar a deportistas con seguro de un día. En ningún caso optarán ao título do Campionato Galego
- 7.3) Tríatlon Cros.-só se fará a clasificación para Junior, Absolutos e Veteranos masculino e feminino. Permítese participar a deportistas con seguro de un día. En ningún caso optarán ao título do Campionato Galego
- 7.4) Tríatlon e Dúatlon de Media Distancia, só se fará a clasificación para as categorías Absoluta e Veterana masculino e feminino. Permítese participar a deportistas con seguro de un día. En ningún caso optarán ao título do Campionato Galego
- 7.5) Circuíto “No Draft”- Anexo Normativa Específica

7.6) Circuito “Nada e Corre” Anexo Normativa Específica

7.7) Outras Probas Avaladas pola FEGATRI. – Para as probas autorizadas pola Federación, que non sexan de Circuito ou Campionato Galego, seguiranse os mesmos criterios que para as de circuito en materia de seguridade e niveis básicos.

7.8) En probas non gratuítas (que non sexan de circuito) darase, como mínimo, un premio económico Masculino e Feminino.

## **8) Normas xerais das probas:**

8.1) Información da proba.- Cada organizador ten a obriga de informar a tódolos clubs, como mínimo, con quince días de antelación das normas da súa proba (horarios, lugar, custe, inscricións, etc).

8.2 Supervisión previa.- Cada proba pasará o visto bo dun Delegado Técnico, xuíz/a do Colexio de Xuíces e Oficiais da FEGATRI, que pode chegar a suspender unha proba se esta non reúne as condicións de seguridade ou de nivel deportivo suficientes. O 1º informe débese facer como mínimo con suficiente antelación á proba, para que, en caso necesario, se arranxen as deficiencias observadas. Os custes da supervisión serán asumidos polo organizador segundo as tarifas vixentes aprobadas.

8.3 Inscricións.- Os cadetes e menores non pagarán inscrición en ningunha proba. En caso de que se inscriban e non acudan serán penalizados a través do seu club co abono de 5 euros por non presentado. Esta penalización será reembolsada pola FEGATRI ao organizador e facturada ao club. (O Nada e Corre ten a súa normativa específica)

8.4 Xuíces e colaboradores.-

a) En cada proba haberá como mínimo, un Delegado técnico, un xuíz árbitro e sete oficiais e catro colaboradores adxuntos. Se pasa de cen participantes, haberá como mínimo oito oficiais.

b) Os custes do colexio de xuíces, canon e actuacións serán facturados ao organizador segundo as tarifas vixentes aprobadas para a tempada. (Anexo)

c) Será a Federación a encargada de ingresarlles a principios do mes seguinte as arbitaxes de cada mes, xuntas por transferencia bancaria.

d) No caso de dar tres ou máis voltas a un circuito, o organizador terá que poñer como mínimo dúas persoas "conta-voltas" ao servizo dos xuíces. A organización será responsable de asegurar que os deportistas cubran, nos puntos afastados do circuito, correctamente o mesmo.

e) Haberá un local achegado habilitado para reunirse os xuíces e o Xurado de Competición da proba, por se fora necesario, cunha mesa, unha silla e toma de corrente.

8.5 Clasificacións.-

a) As clasificacións de cada proba estarán confeccionadas no prazo máis breve posible. A clasificación definitiva cos tempos dos participantes, deberá ser accesible para os clubs en canto estea confeccionada. Para posteriores reclamacións seguirase o marcado nos regulamentos da Federación Española. Publicaranse antes de 24 horas na web da FEGATRI.

b) Para confeccionar as clasificacións finais non se terán en conta os deportistas e/ou clubs con ficha doutra CC.AA. Si se terán como postos válidos ós deportistas independentes con licenza galega.

8.6 Entregas de Premios.- Os/as deportistas e/ou clubs que non estean na entrega de premios (salvo causa de forza maior) non os recibirán, e serán sancionados por desconsideración ao organizador e ao resto dos deportistas (segundo os estatutos en vigor). Aquel deportista ou club que non estea presente na chamada ao podio será sancionado con 25 e 50 euros respectivamente e non poderá participar ata o seu abono. *Este artigo será incorporado ó regulamento de cada proba de adultos.*

8.7 Folla de valoración de probas.- A FEGATRI disporá dunha folla de valoración de probas, tódolos clubs poderán puntuar ao final da competición o nivel da proba. Esta folla utilizarase á hora de adxudicar novas organizacións de probas e para mellorar a tempada seguinte. En dita puntuación terase en conta a seguridade da proba, os servizos para o deportista (vestiarios, información xeral,

premios etc.). A puntuación irá de 0 a 10 puntos, se máis da metade de clubs participantes suspenden a un organizador non entrará a súa proba no Circuito do ano seguinte (a maiores deberá superar as probas que o Comité Técnico considere necesarias). As puntuacións para ser válidas deben ir asinadas polo delegado de cada club.

#### 8.8 Outras normas

- a) En Dúatlon, con cronometraxe manual, levaranse dous dorsais collidos con catro imperdibles cada un (no peito e nas costas) e non poderán dobrarse. Non cumprir esta norma levará consigo a descualificación. Os dorsais deberán ser dun material que non se estrague coa auga. Con cronometraxe electrónica poderase levar igual que en Tríatlon (con goma).
- b) O Chip.- será obrigatorio levalo, atendendo ás normas de cada competición, e comunicar o seu extravío.
- c) Nas probas sen o visto bo da FEGATRI, non terá vixencia a “licenza-seguro deportivo” da Federación. Os clubs non promoverán este tipo de probas.

Tódalas dúbidas que presente este regulamento ao longo da tempada serán resoltas pola Comisión Delegada, quen podería convocar, de así consideralo, unha Asemblea Xeral Extraordinaria da Federación. Para casos de extrema urxencia, decidirá a Xunta Directiva.

*\*Para todo aquilo no recollido neste regulamento aplicarase o Regulamento Oficial de Competicións da FETRI.*

## **ANEXO.- NORMAS DE ORGANIZACIÓN**

1.- Para a organización de calquera proba oficial da FEGATRI será condición indispensable posuír licenza como “organizador”.

2.- Cada Club/organizador dunha proba de Circuito de Dúatlon ou Tríatlon de Estrada, recibirá da Federación unha subvención de 250,00€ que será aboada a comezos da tempada seguinte. Os organizadores dunha proba de Dúatlon Cross, Tríatlon Cross ou Acuatlon que entreguen premios económicos, tamén se lles subvencionará este importe. Esta subvención será única, independentemente do número de probas organizadas e terá o seguinte requisito:

- Que o Club participe no circuito aboando os dereitos correspondentes.

3.- Para organizar unha proba de circuito hai que facer unha petición á Federación aténdose aos datos e prazos sinalados pola Directiva da Fegatri e seguiranse os seguintes criterios para a concesión:

- a) Historial da proba (Seguridade e puntuación de anos anteriores).
- b) Que sexa con circuitos pechados.
- c) Que sexa para todas as categorías.
- d) Gratuidade na proba.
- e) Premios, agasallos, etc. da proba.
- f) Orde de chegada da petición.

Os calendarios confeccionaranse tratando de respectar no máximo posible as datas das probas de carácter estatal e tamén os intereses das seleccións galegas das diferentes modalidades.

4.- Todas as probas de Circuito terán obrigatoriamente un seguro específico de responsabilidade civil e ademais todos os participantes estarán cubertos por un seguro de accidentes a través da licenza deportiva (anual ou de un día—esta será tramitada a través da FEGATRI) e cumprirán cos demais requisitos legais.

5.- Calquera outra proba que queira levar o visto bo da Federación, terá:

- 1º. Que ser visado o seu circuito por un Oficial Nivel III, IV ou V e/ou autorizado pola Federación.
- 2º. Ter un seguro específico para a proba (R.C.).
- 3º. Pagar un canon de 100€ á Federación.
- 4º. Estar cubertos por un seguro de accidentes a través da licenza anual ou no seu defecto pola licenza de un día (esta será tramitada a través da FEGATRI).

### 6.- Probas Escolares

As probas escolares serán todas con circuito pechado, terán que ser os mesmos revisados por xuíces da Federación. En cada proba haberá como mínimo tres xuíces por proba (ou 2 en casos excepcionais).

Nas fases provinciais e galegas haberá como mínimo un total de cinco xuíces.

### 7.- Probas non Autorizadas.-

A FEGATRI non obrigará nin esixirá aos xuíces e xuízas con licenza acudir a ningunha proba que non sexa Campionato Galego ou proba de circuito, sen embargo, poderase sancionar aos xuíces que exerzan como tal, en probas non autorizadas ou recoñecidas pola Federación. Isto será de aplicación para os organizadores con licenza federativa.



#### 8.- Péntatlon Moderno.-

A Federación organizará un Campionato Galego de Péntatlon Moderno para categorías menores (benxamín, alevín, infantil, cadete e xuvenil) incluírá as probas de tiro, natación e carreira a pé. Tamén organizará un campionato Galego de Biatlon para todas as categorías.

#### 9.- Campionatos de Paratríatlon das distintas modalidades.

(Anexo en creación)

#### 10.- Canons Federativos

a) Probas populares avaladas pola FEGATRI → 100€

b) Para as probas de Media e Longa Distancia o canon a aboar á Federación irá en función do número de participantes na proba segundo a táboa seguinte:

Nº PARTICIPANTES	CANON(€)
ATA 100	100,00€
DE 101 A 250	150,00€
DE 251 A 500	400,00€
DE 501 EN DIANTE	600,00€

- c) Polos Campionatos Galegos de Dúatlon e Tríatlon de Estrada individuais aboarase un canon á Federación de 250,00€
- d) Polo resto de campionatos oficiais aboarase un canon á Federación de 140,00€,
- e) Canons de probas nacionais e internacionais.-
- Noutras probas de carácter estatal organizadas por calquera club que libremente o solicite e que no convenio que asine sexa necesario a participación da FEGATRI para figurar no convenio coa Institución Pública que patrocine, o canon será de 500,00€ (neste caso só figurará a FEGATRI si é estritamente necesario).
  - Si os campionatos son dous en días consecutivos, o canon será de 600,00€.

\*\*\* As probas organizadas pola Federación Galega de Tríatlon e Péntatlon Moderno son todos os Campionatos das modalidades de Tríatlon e Péntatlon Moderno a Celebrar en Galicia.

Para todas estas probas a Federación abrirá un prazo de organización das mesmas, que se regulará e convocará anualmente, a todos os organizadores con licenza en vigor na FEGATRI.